



*Statuta legenda in Admissione Baccalaureorum in Theologia,  
ad quorum Observationem singuli tenentur.*

**M**agister Artium sedulus erit Theologicæ atque Hebraicæ Lectionis auditor, quibus rebus annorum septem dabit operam, quo spatio bis disputabit contra Theologiæ Baccalaureum, semelq; post quartum annum respondebit in Theologia, concionabitur Latinè semel, & semel Anglicè in Academiae Templo, & semel ad Crucem vel in Templo D. Pauli, infra annum post gradum susceptum, si legitime vocatus fuerit, & justâ causâ non impediatur, & semel apud *Burwell* ad assignationem D. Vicecancellarii. Et si hoc in tempore in Theologia profecerit, per solennem inaugurationem Baccalaureus fiat. Si quis cupiens cooptari in ordinem Baccalaureorum Theologiæ, non responderit, nec opposuerit secundum ordinem superscriptum, is nihilominus poterit Baccalaureus fieri Theologiæ, si semel Doctori responderit.

Nullus ad interpretandum Canonicas Epistolas admittatur, nisi in sacris ordinibus initiatus, & infra eosdem constitutus, præsentetur Universitati post festum D. Barnabæ, & citra festum translationis S. Martini.

Singuli qui hîc Grâdum aliquem subituri sunt, astrictos & devinctos esse se intelligant, ut Statuta ac hujus Universitatis probatas consuetudines pro viribus observent, utque ejusdem Universitatis pacem nullius rei prætextu perturbent, quin eos qui sic pacem perturbare noverint, ad Cancellarium seu ejus vices Gerentem quamprimùm deferant: quod denique honorem hujus Universitatis nostræ pro virili augeant, ornentque.

Quilibet Graduatús dum moram traxerit in nostro municipio, habitum habeat de proprio, Gradui suo competentem, quo inceptionibus illius Facultatis cujus est Scholaris interesse poterit.

Postremò, Statutis nostris cautum est, nè quis hîc ad gradum aliquem admittatur, nisi se obedientem fore Cancellario aut ejus vices Gerenti juraverit, seque sua privilegia renunciaturum in quantum privilegiis & statutis Universitatis contrariantur: Salvâ tamen semper compositione inter Universitatem & Collegium Regale factâ.

Jurabis quòd hæc omnia observâsti & observabis, nisi aliter per gratiam ab Academia concessam dispensatum tecum fuerit, sicut te Deus adjuvet, & sancta Dei Evangelia.

Ex Decret.  
Academ.  
Jun. 1684.

*Jurabis quod in Bibliothecam publicam admissus nihil quod ad ipsam pertinet sciens volens corrumpes, aut imminues, nullum librum permutabis, auferesve, aut ipse per te, aut per alium quemvis, nisi eo modo, iisque conditionibus, quæ per Universitatis decreta requiruntur: Quòdque sis jure isto tuo sincerè, & bona fide usus, atque omnino ita ut (quantum in Te est) nihil inde accrescat Bibliothecæ damni, Ita te Deus adjuvet & hæc sancta Dei Evangelia.*